


北京圖書館出版社

福建師範大學圖書館藏
稀見方志叢刊



方寶川
陳旭東◎主編

福建師範大學圖書館藏
稀見方志叢刊

方寶川

陳旭東◎主編

35

北京圖書館出版社

增補永定縣誌序

誌者乘也即史也邑有邑
誌郡有郡誌省有通誌皆
紀載之書以求信今傳後
然務取其備所以徵文獻

也茲考永定開始時維成
化甲辰而纂脩縣誌歲在
萬曆乙亥迨至

今上御極之十一年
命天下郡縣各輯其誌以昭一

統是時乃邑侯潘公董其
事諸鄉先生總厥成殫精
竭力博蒐廣羅蓋自昔迄
今時經兩代世閱百年兵
燹疊更滄桑屢易而欲於

殘編斷簡之餘野老遺碩
之口撫拾舊聞漁獵逸事
以成一邑之全書難已乃
觀是編搜訪詳備考核維
嚴其間所紀城郭山川歲

時風物典覈精詳條理明
備他如人文甲第既已炳
耀於生前而苦節孤貞亦
或表彰於身後允稱一方
之信史豈非百世而不惑

者乎余於丁丑之夏攝篆
此邦首檢篇帙見賦役藝
文僅有其目竊思賦役為
軍儲所係民命攸關倘不
紀其綱不詳其目恐胥吏

得以此盈彼虧苟里不無
移甲換乙矣至若人杰能
令地靈性情發為歌詠此
藝文之所以尚也倘任其
蠹食聽之覆瓿則此日已

見缺文他年奚以徵信耶
况乎境圖缺畧名勝無傳
匪僅山川之險易難辯道
里之遐邇莫稽抑且歌頌
無以發其揄然幽潛何所

寄其凭弔乎覩茲挂漏之
虞實深守土之責用是謀
諸闔邑鄉老先生通庠名
宿蒐輯增補而成全書異
日名賢鵲起聞人蟬聯蜚

聲翰苑瀛登弟子之洲東
筆螭頭台列公卿之府行
見芝語蘭函輝耀龍岡鳳
渚不獨汀水一色為之改
觀即載之全閩通志亦當

生色姑序其事為將來之
張本云爾
昔

大清康熙三十六年歲次丁丑
仲秋之吉

文林郎署理縣事連城縣知
縣廣陵趙良生撰



重修永定縣志序

脩一邑之志易脩一邑之
志以成大一統之志難一
邑之志嚴是非剖美惡不
阿其所好以成一家言一

人之私言也一統之誌別
褒貶明賞罰不徇於一偏
以成金鑑錄天下之公言
也以一人之私言而成天
下之公言以具班固之才

非操春秋之筆不可以繼
往開來

國朝幅幘廣大天下一家文學

政治炳耀千秋

聖天子知一代之文獻不可以